

Vorrede.

gert vnd betrübet werden / vnd nicht jedermann (sonderlich arme einfältige Leute) grosse Commentarios oder Bücher hierwider kauffen vñ ablesen können / Also habe ich dem gemeinen Volck zum besten eine Predigt fürgenommen / in welcher ich die sechs Hauptstück des Catechismi auß Gottes Wort kürzlich erkläret / vñ handgreiflich erwisen / daß allein vnser Evangelische Lutherische Lehr (wie man sie nennet) die rechte reine Lehr / vñ dargegen der andern Partheyen Lehr irrig vñ vurecht sey.

Solche meine Arbeit / geliebte Herzen vñ Brüder in Christo / habe ich E. Ehrw. dedicioren vñ zuschreiben wollen / vñb der Ursach / daß wir zu beyden theilen (Gott sey Lob) dieser gemelten reinen Religion zugethan / vñ lange Zeit Christliche Brüderschafft mit einander gehalten haben. Der liebe Gott / der das gute Werck seiner Erkänntuß in vns angefangen hat / der wolle solches in vns mehren / stärcken vñ erhalten biß zum seligen Ende. Amen. Datum Altorff. Anno 1614. den 21. Septemb. auff welchem Tage gehalten wurde die Gedächtnuß des H. Apostels vñ Euangelisten Matthei / welcher durch vnsern Seligmacher Christum von dem Zollerwerck zum heiligen Apostelamt beruffen worden / Matth. am 9. Hat nach der Himmelfarth des H. Erren erstlich im Jüdischen Lande / darnach in Asia vñ Ponto / vñ lezlich im Morenlandt das heilig Evangelium Christi geprediget / vñ alda gemartert worden.

E. Ehrw.

Dienstwilliger Bruder
in Christo

Jacob Schopper / D.

Text